



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 11-06/01-34-18110-3/26  
Sarajevo, 15.04.2026. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj: 35/05) i člana 108. stav (7) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24) ministrica za odgoj i obrazovanje Kantona Sarajevo, donosi

## **ODLUKU**

### **I**

Kojom se poništava Odluka o usvajanju Pravilnika o izmjenama i dopunama Pravilnika o radu, unutrašnjoj organizaciji i sistematizaciji radnih mjesta, donesena od strane Školskog odbora Javne ustanove Srednja građevinsko-geodetska škola Sarajevo.

### **II**

Ova Odluka stupa na snagu danom donošenja.

## **Obrazloženje**

Odluka o poništenju Odluke o usvajanju Pravilnika o izmjenama i dopunama Pravilnika o radu, unutrašnjoj organizaciji i sistematizaciji radnih mjesta Javne ustanove Srednja građevinsko-geodetska škola Sarajevo, donesena je nakon utvrđivanja bitnih povreda pravila postupka, kao i materijalne nezakonitosti osporenog akta, koje istu čine pravno neodrživom. U skladu sa članom 17. stav (1) Pravilnika o izboru, razrješenju, nadležnostima i načinu rada školskog odbora osnovne škole, srednje škole, srednjoškolskog i školskog centra na području Kantona Sarajevo („Službene novine Kantona Sarajevo“, broj: 46/24 i 3/25), direktor škole je dužan osigurati da materijali koji se dostavljaju školskom odboru budu prethodno pravno verificirani od strane sekretara škole, što se potvrđuje njegovim potpisom. Ova odredba ima imperativni karakter i predstavlja procesnu garanciju zakonitosti, s obzirom da se njome osigurava prethodna kontrola usklađenosti predloženih akata sa važećim pravnim poretком.

U konkretnom slučaju, sadržaj osporenog pravilnika ukazuje na to da predmetna kontrola zakonitosti nije izvršena na odgovarajući način, odnosno da je ista bila manjkava, budući da u preambuli Pravilnika kao pravni osnov nije navedena Odluka o usvajanju predmetnog kurikuluma za opće obrazovanje. Time je povrijeđeno ne samo navedeno pravilo postupka, već i osnovno načelo zakonitosti (princip legaliteta), prema kojem svi opći akti moraju biti zasnovani na važećim zakonima i drugim propisima. Nadalje, članom 108. stav (6) Zakona o odgoju i obrazovanju u osnovnoj i srednjoj školi u Kantonu Sarajevo propisano je da su predsjednik i članovi školskog odbora odgovorni za zakonitost rada školskog odbora. Ova odgovornost obuhvata i dužnost da se prilikom donošenja

odluka i općih akata osigura njihova potpuna usklađenost sa važećim propisima, kako u formalnom, tako i u materijalnom smislu. Propuštanje da se utvrdi da je pravni osnov nevažeći predstavlja povredu ove zakonske obaveze. Posebno se naglašava da pravilno navođenje pravnog osnova u preambuli općeg akta nije puka formalnost, već suštinski element njegove zakonitosti, jer isti potvrđuje nadležnost organa za donošenje akta i pravni okvir u kojem se akt donosi. U nedostatku važećeg pravnog osnova, akt se smatra donesenim "izvan zakonom utvrđenih ovlaštenja", što predstavlja dodatni razlog njegove pravne nevaljanosti.

Imajući u vidu sve navedeno, nesporno je utvrđeno da je osporena odluka donesena suprotno važećim propisima, uz postojanje bitnih povreda postupka i materijalne nezakonitosti, zbog čega ista ne može proizvoditi pravno valjane učinke niti opstati u pravnom prometu. Slijedom toga, a u cilju uspostavljanja zakonitog stanja i zaštite pravnog poretka, odlučeno je kao u dispozitivu ove odluke.

Pouka o pravnom lijeku: Odluka je konačna u upravnom postupku i protiv iste nije dopuštena žalba, ali se može pokrenuti upravni spor podnošenjem tužbe Kantonalnom sudu Sarajevo, u roku od 30 dana od dana dostavljanja ove odluke.



Dostaviti:

1. Školski odbor Javne ustanove Srednja građevinsko-geodetska škola Sarajevo  
Ul. Franca Lehara 5, Sarajevo,
2. Evidencija,
3. a/a